



Sarajevo, 24.3.2025. godine

PREDSJEDNIŠTVO
BOSNE I HERCEGOVINE
SARAJEVO

PRIMLJENO..... 25-03-2025			
Organizaciona jedinica	Klasifikacijska oznaka	Redni broj:	Broj priloga

- **PREDSJEDNIŠTVO BOSNE I HERCEGOVINE**

gospođa Željka Cvijanović, predsjedavajuća Predsjedništva

gospodin Denis Bećirović, član Predsjedništva

gospodin Željko Komšić, član Predsjedništva

PREDMET: Usvajanje prijedloga Budžeta institucija Bosne i Hercegovine, traži se.-

Poštovani,

Kao što je poznato, Vijeće ministara Bosne i Hercegovine je na 72. sjednici održanoj 4.3.2025. godine usvojilo je Nacrt zakona o Budžetu institucija Bosne i Hercegovine i međunarodnih obaveza Bosne i Hercegovine za 2025. godinu, koji vam je dostavljen na dalju proceduru u skladu sa Ustavom Bosne i Hercegovine, u smislu predlaganja istog Parlamentarnoj skupštini Bosne i Hercegovine.

Međutim, sve do danas Predsjedništvo Bosne i Hercegovine nije razmatralo, pa stoga ni predložilo navedeni Zakon o budžetu Budžetu institucija Bosne i Hercegovine i međunarodnih obaveza Bosne i Hercegovine za 2025. godinu, iako je isti saglasno propisima trebao biti razmatran i usvojen još u prošloj godini.

Koristimo ovu priliku da vas upoznamo ili da napomenemo da smo u prethodnom periodu usaglasili prvi kolektivni ugovor koji uređuje prava zaposlenih na nivou Bosne i Hercegovine, da je isti usvojen od Vijeća ministara i konačno potpisan 26.3.2025. godine, kada je i stupio na snagu, a objavljen je nakon toga i u „Službenom glasniku BiH“. Inače, navedeni Kolektivni ugovor za zaposlene u institucijama Bosne i Hercegovine („Službeni glasnik BiH“, broj 14/25), kao i svi kolektivni ugovori, predstavlja neposredni izvor prava, na koji se može pozvati bilo koji zaposleni u ostvarivanju svojih prava.

Ovdje je bitno istaći činjenicu da je navedenim Kolektivnim ugovorom za zaposlene u institucijama BiH propisan način određivanja visine plate, kao i da je Vijeće ministara usvojilo Odluku o visini osnovice za 2025. godinu („Službeni glasnik BiH“, broj 89/24), ali

će se ista primjenjivati tek od usvajanja budžeta za 2025. godinu. S druge strane, Kolektivni ugovor ne prepoznaje uslove privremenog finansiranja, niti omogućava primjenu osnovice iz protekle godine u tekućoj, a kako je pomenuto, isti predstavlja neposredan izvor prava.

Isto tako, ne moramo ni navoditi da je uslovima prisutne inflacije neophodno što prije usvojiti Budžet za tekuću godinu kako bi se finansijski položaj zaposlenih, posebno onih na nižim radnim mjestima, popravio barem u određenoj mjeri, jer je isti slabiji u odnosu na zaposlene istovjetne kategorije na entitetskom, kantonalnom i lokalnom nivou, bez obzira da li se radi o policijskim službenicima, državnim službenicima ili zaposlenicima.

Stoga, tražimo od Predsjedništva Bosne i Hercegovine da što hitnije razmotri i predloži Parlamentarnoj skupštini usvajanje Budžeta Institucija BiH za ovu godinu.

**Savez sindikata policijskih
organa u Bosni i
Hercegovini**

Zamjenik predsjednika

Esin Kahrmanović



15/25

**Sindikat Uprave za
indirektno/neizravno
oporezivanje**

Predsjednica

Ana Mrnjavac



Broj

94/9-03/25

**Samostalni sindikat
državnih službenika i
zaposlenika u institucijama
Bosne i Hercegovine**

Predsjednik

Radenko Mirković



Broj 03-SD-19/25

Dostavljeno:

- Naslovu
- a/a